



# ЧАННАЦУКУ

«ЗВЕЗДА»

29 сентябрь  
2023 ш  
ножмар  
№ 40 (6873)

12+

Газета буклакиссар  
1951-ку шинал  
ноябрьдания шинмай

Учредитель: МКУ «Кулал муниципал районналул администрация» РД  
МКУ «Администрация Кулинского муниципального района» РД

## Барча бунни



«День воспитателя  
и всех дошкольных  
работников!»

**Хурмат бусса оьрчал багьрдал тарбиячитал ва микку зузисса цинявпагу зузалт! Хурмат бусса оьрчал багьрдаву оьрчуру тарбия буллай зий бивкисса ветерантал!**

Кьамул буvara дак инхтунусса барча бавуртту зул пишалул кьинилуштал-Тарбиячинал кьинилуштал ва микку зузисса цинявпагу зузалтрал кьинилуштал!

Оьрчал багьраву бай бишай инсаннал жамятийсса оьрму. Микку оьрчал анлахьхай цацала миннаштал ва хьуниминнаштал занакьулу хьанан, лахьхай цимурцагу мюнпямуниха зун ва хьхичлунай хьитгий ачин. Гьарцагу чивитун зу пиш-каш даруччаву ва аякьа, лахьхьин бару акьку буну кьуцу тун ва мукунма тлайласса, дак марцисса, вихшаласса инсантал хьун.

Зул кунгтихьри бусса ялун нанисса никирал бияла ва умуд ва мунияту шалагу дунвиллул ялун бучлант имур.

Ва хлакьинусса шадлугь хьанакьиссар-кицлаган зухь дак инхтунусса мукрушиву ва куртисса барчаллагь учин зухь зу бихьлахьисса дак инхтунусса агьамсса захиматрахлу.

Битаннав зу талих рай, цулунува ка бакьиннав зул даврицун уттиния тиммайгу!

Зу дуллалисса даврия диклуча даимангу зул дакурдивун ларсуннай хьуннасса ххаришиву!

**Хурматраштал МО «Кулал район»-налул бакичи Шамиль Рамазанов.**



## Хьусрациял оьрчал багьраву

Хьусрациял оьрчал багь зун бивну бур 1977-ку шиная тинмай.

Зунттал районнай шархьаву ялапар хьанакьисса зунттал хьаннин дуллансса давурттив чларусса диклай.

Хлукуматрал давурттай зузими микку кьини бархан даврий бацлан аьркинни, давурттив дакъасса нинухьру-кьурув, хьуру дугьлай, дурчлай, нуши кьуру буллай, биххлай, кинттул ризки дулан бансса хьала лазуни хладур дуллай зий, мицлагансса члун кьадиклай ва мунияту цуксса хьуннасса ххаришиву дакъахьунессия Хьусрациял шьраву оьрчал багь тивтукун. Микку вихшаласса инсантурачла цала кулпатгу кьабивтун рахлатну цала давурттай занан бивссар ниттихьул.



буссар-Хучуева Загьидат Махлammaдoвнa -2021-ку шиная тиммай ва Давдиева Динара Абдулхамидлул душ-мугу 2021-ку шиная тинмай. Миннан кумаг буллай зий буссар Сулейманова Женья Курбановна-2015-ку шиная тиммай ва Аьлларазуева Анисат Махлammaдpасуллул душ-

гьарт-гьарзасса чаннасса кьатраву. Микку бур хьунмасса спортралзал мюршултрал тюркюрду байсса ва утренникру тлайла дуккайсса.

«Жу бюхьийсса хларачат бару мюршултраштал тлайла дуккан каленьдарданийсса гьарцагу агьамсса мероприятияртту, ми Ватан ххирану тарбия шаву мурадрай»,-тий буслай бур Людмила Муталлиевна. Майжаннугу зун хлисав шай хьунссар Хьусрациял школалул дуклакки оьрчуру районналул лагрулий дуллалисса мероприятиярттаву хьхьичлунну ва сивесуну гьуртту хьанай-миккугу ябара буссар хьунмасса бияла кьулшиврул гьанурду цлакьсса бизлазисса оьрчал багьрал зузалтрахь.

Тлайлассар Хьусрациял оьрчал багьрал кьатри дур хьхьичлара дурсса ва мунияту шикку дуван члун хьуну дур капиталныйсса ремонт ва цинявпагу шикку зузисса пишкартал умудрай бур ялун нанисса шинаву оьрчал багьраву дуванссар капиталныйсса ремонт тий.

Гьашинусса шинаву Хьусрациял оьрчал багьрава школалыйн I-мур классраву ита авкьунни шама выпускник, ларгсса шинал ита авкьун ур мукуна б выпускник.

Барча буллай цинявпагу шикку зузисса оьрчуру тарбия буллай миннаха зузисса пишкартал цала кьинилул шадлугьраштал члатий буру цуллушиву, талих, тирххану, цала бусравсса дауларайсса даражалый дачин дан ссабур ва тавпикь ва чаннасса ялун бучлант имур!

**А.Аьбдулласв**



Шиккусса оьрчал багьрай каялувчишиву дуллай. Жаваблувсса даврий зий буссар Рамазанова Людмила Муталлиевна 2005-ку шиная тинмай.

Хлакьинусса кьини шикку шуруй буссар кьива оьрчал группа-мюршиминнал ва миннаяр хьуниминнал.

Цинявпагу шикку цланасса ппурттуву зий бур 10 инсан.

Миннавату кия тарбиячи, кия миннал кумагчи. Цанасса ппурттуву муданмасса тарбиячитал цала мюршисса кулпат хьуни буллай шаппа буну миннан кланттай члумуйнуса тарбиячиталну зий

2021-ку шиная тинмай.

Мюршултран нахлусса дукрарду шахьлай шикку зий буссар Аминова Татьяна Кьурбанмахлammaдлул душ-2015-ку шиная тинмай.

Жул зузалтрал коллектив хьинну куннаштал кув бавкьусса нахлу-халимсса инсантал бур ва жучла таклуьвагу кьавхьуссар уттинин нахлу дакъашивуртту-тий пахрулий буслай бур оьрчал багьрал каялувчи Людмила Муталлиевна. Миккугу хьунмур иш бухьунссаркьай цала каялувчинал бияла ва бажар бушивруву.

Хьусрациял оьрчал багь цуппагу бивхьуну бур

## Учитель вил цланил хьхьич1, х1урматрай икрам банна!

Гъашину.Цусса дук-каврил шин дай дишиннин хьхьич1 гьантрай гьар шинал кунна районналул школарттай зузисса учительтурацал т1айла дуккайсса августрайсса совещаниелий гьуртту хьун бувк1ун бия муданма кунма школарттал учительтал.

Президиумрай щя бивк1сса районналул бак1чи Шамиль Рамазановлул ва УНО-рал начальник Жамалуттин Омариёвлул барча бувна циньявпагу залланувун бавт1уми ялун нанисса Ц1усса 2023-2024 —ку шиннасал.

Цила ихтилатраву УНО-рал начальникнал ч1урч1ав бувна дуклакки оьрч1ацал зун аьркиншиву ц1усса технологияртту ишла дуллаш.Мудур ч1умул т1алавшин.Амма мунищала аьрч1ал ци технологияртту ишла дулларчагу дуклакки оьрч1ал хьхьич1 авц1усса учительнал бияла,мунал дарс дишаврил методикалул бияла хьунмасса бик1ай.

Совещаниелий ихтилатру бувна ч1ярусса шиннардий школарттай оьрч1ру тарбия буллаш зузисса учительтурал-ми буслай бия цила дарс дишаврил кьядардая. Ихтилатру бул-

лалиминнавух бия ч1ярусса шиннардий дуклакки оьрч1ру тарбия буллаш зузисса Хьусрациял СОШ-рал байбихьулул классирттал учительница Рамазанова Марсижат Джабраиллул душ. Трибуналийн бувккун цала кут1асса ихтилат буллашкун Марсижат Джабраиловнан заллануву щя бивк1миннал ва президиумрайминнал цимиллагу гурну хьатру рищлай кьамул бувна мунил буллалисса ихтилат. Совещание кьуртал хьувкун на тавакью бувссия Марсижат Джабраиловнахь цила бувсса ихтилат чивчусса тетрадь ттухьхьунма була куну. Х1акьину х1урмат бусса учительнал кьинилул хьхьич1 гьантрай бищлай буру мунил бувсса ихтилат.

Ххирасса учительтал, Жамал Раджабович,Шамиль Рамазанович!

На ссалам буллаш бура зуйн циньявнаймагу х1акьинусса августрал совещаниелий!Ча т1ий бура ц1уллушибу ва т1айлабац1у Ц1усса 2023-2024-ку шинаву!Гьарца буллалимуниву ка бакьаву!

На бувк1ссара школарлий дарс дихьлан 1965-ку шинал.пед училище кьуртал бувну махь.Та ч1умал шяраву бия ч1ябусса дуклакки

оьрч1ру.Хьинну дак1ний бурттула цалчинсса класс. Ч1явуми та классравусса оьрч1аяту х1акьинусса кьини хьуну бур дедушкахьул ва бабушкахьул.Муння махь ита бакьав цимивагу ац1вахьул дуклакки оьрч1ру, дур ттул мукунна х1укуматрал чулуха дуллусса бахшишругу.Ттула оьрмулул ч1ивинияц1ава ккалли бувараучительнал пиша яла хьиммур ва агьаммурну.На муданмагу хьин чулий ккаккайссия школарий дуллалисса ц1ушиннарду, бюхьай ттула нитти-буттал х1арачатрайну на хьунмур гуж бишайссия дуклакки оьрч1ру тарбия баврил ххуллий миннаву буттал к1анттухсса ччаву лахьсса ххуттай дишин.Буккайссия дуклакки оьрч1ахь Хьун дьабилысса хаврду.Муданмагу ялув бац1айссияв дуклакки оьрч1ру ккалакки буллаш,чичлачи буллаш, х1исавртту дуллал буллаш. Жу т1айла дуккайссия школарий шадлугьру!-23-мур февраль-Ватан дуруч-чултрал кьини,1-мур май. Ххувшаврил кьини-9-мур Май. Мингу цан чирча-дуклакки оьрч1ал дак1урдиву Ватанналухсса ччаву гужлан шаву мурадрай.

Учительнал пишалуву яла агьаммурну ккалли бувара-оьрч1ал дак1урдиву чант1 учин дан дуккаврихсса ччаву,миннал дак1ру шавкьирал дуц1ин дан,миннал ккалан,чичлан,х1исавртту дуллан гьира багьашиврул.

Мунил ххуллий учительнал аьркинссар т1айла дукклан дуклакки оьрч1ацал классрал кьат1увсса дуккаврил дарсеру дуклакки оьрч1ал цила дак1нимур ялун личин буллан гьунарду ашкара буваву мурадрай.Муданмагу булайссия дуклакки оьрч1ахьхьун х1асул бан хаврду суратирттайн бувну-микку оьрч1ал язи бугьайва цимма ххуй бивзмур ва мунияту хьинну т1аьнну бик1айва миннангу ва учительнангу.

Цаппара инсантал хьинну пашманну бик1ай школарий дуклакки оьрч1ацал зузисса даву язи дугьаврий.Навамурдив тач1ав пашман кьавхьра уттинин ттунма ххирасса учительнал пиша язи бугьаврий.Тач1аввагу!

Язи бувгьукун ца ххуллунай бивк1ра мунийх к1ура кьабавну,буххаву дакьа, кьанкьяну зах1атшивурттал ялттугу шаласлай.Карл Маркс ва

Фридрих Энгельслул т1иссакун-«Через тернии к звездам!»

Ттул оьрмулул ххуллу бия муданмагу давриву т1айласса ва кулпатравугу на ч1ябусса зару лахьхьав ттула нитт-буттац1а.

На х1атта кьашабай хьувкун больничныйлийн-вагу кьабуккайссияв, муксса нигьач1ий бик1айвав ттула оьрч1ру кьабитан.Анавар буккайссияв ттунна ххирасса даврийн буккан ттула учениктурац1ан!

Х1акьину на хьуна дакьлай бура 60-луйлчинмур августрайсса учительтурал совещание!

Ча т1ий бура зун циньявнан ц1уллушибу,биян вай на кунма ч1ярусса зузаврил шиннардийн хьхьич1унсса ккаккиарттацал!»

Жувагу ч1а учинну ч1ярусса шиннардий дуклакки оьрч1ру тарбия буллаш хьунмасса зах1ат бивхьусса Марсижат Джабраиловнан ц1уллушибу, талих1, тирхханну,цила учениктурая ххаллилсса пишакартал хьуну миннал ххари буллаш битаву ч1ярусса шиннардий!

Чаннасса хьуннав вил хьхьич1унмайсса ххуллу Марсижат Джабраиловнай! А.Аьбдуллаев

## Жула х1акинтал

Уттигьанну Телеграм-раву «Ккуллал район» каналаний буслай бия жула районналийн зун увк1ун шиву ч1ярусса шиннардий х1акьинну зий ивк1сса цала пишалул пагьму-гьунар лавайсса х1акьин Ккуллал шяравасса хирург –онколог, гьуттурдийгу операциярду байсса лавайсса категориялул х1акьин Маммедбеков Ширвани Юсуплул арс.

Му хавар хьуннасса ххаришиврущал кьамул бунни Ккуллал районналул агьалинал,цан чирча Ширвани Юсупович ч1явучин к1улсса,Дагьусттан Республикалул ц1анин лайкь хьусса, «Отличник здравоохранения»ц1ардан лайкь хьусса ххаллилсса х1акьинур.

Ширвани Юсуповичлул хьач1унттах бур хьунмасса цала пишалул зузаврил пагьму-гьунар.Цувагу зий уссия Дагьусттан республикалул лич1и-лич1исса медициналул идарарттай ва Дагьусттаннал кьат1увугу.

2023-ку шинал сентябрьданий му гьалмахчу зана хьунни цала ч1иримур ватанналийн ва зун ай ивхьунни Ккуллал район-

налул азарханалий.

Ширвани Юсупович кьамул буллан най ур оьрмулул жура-журасса шиннарди кьашайшалт гьуттурдил кьанайшиву дусса ва хьин буллан дак1ний ур мукунсса кьашайшалт.

Жувагу ч1а учинну ватан хьун дан увк1усса, лакрал миллатрай дак1 ц1уц1исса гьалмахчу-х1акьин Ширвани Юсуповичлул.

Шиккува бусан цаппара шиннардил хьхьич1 ттун аьрххи багьуна ттула гьансса кьашабайсса маччачунащал Махачкалалаийн. Микку таракальный отделениялий утту ишин увсса маччачунал х1акьингу ия Аллагьнала улуну ц1ана к1иц1 лавгсса Ширвани Юсупович.Хьинну зах1атну кьашавайсса маччачу хьин хьунсса умуд жул маччачунал чанну бия амма Ширвани Юсуповичлул жул дак1 ва умуд бишин бувнав му хьин хьун т1ишиврий ва ч1ал кьавхьун хьингу увна операция бувну!

Т1айлабац1у баннав вин Ширвани Юсупович вила бусравсса даврий зий жула лакрал миллатрал ц1уллушиврул ялув ац1ан!

А.Аьбдуллаев.

## Цуми кьинирдай бичайссар оьрч1ансса пособиярду?

Аьрасатнал Социальный фондрал кьамул дурну дуссар ч1явуми оьрч1ал пособиердал ва цила байсса социальный кумагирттал арцу дулайсса циньяннан цакуцсса кьинирду.

Гьарца зуруй 3-мур кьини Дагьусттаннай с с а 545 азара оьрч1ал сч1тирдайн бичайссар: -17 шинавун бияннинсса оьрч1ан ва оьрч1лякьлуву бусса хьаннин булайсса циньяннан цакуцсса пособиерду; -давурттай кьазузисса ниттибуттан цала 1,5 шин хьуннинсса оьрч1ах буруглан булайсса пособие; 3 шин хьуннинсса оьрч1ахлу му баврих (оьрч1шиврий бишаврих) булайсса пособие; -военнослужащийна л оьрч1ан гьарца зуруй булайсса пособие; -8 шиная 17 шинавун бияннинсса оьрч1ан булайсса пособие (му пособие булайсса кулпатирттан, му буллан ккаккан дурсса ч1ун дукканнин). Гьарца зуруй 5-мур кьини ниттил (материнский) капиталданул арцуяту гьарца зуруй дулаймур

диян дайсса кьинири банкирдайхч1ин. Мукун дулайсса арцул лагру 13 азара ва 066 кьурупри. Му хьанахьиссар оьрму бутаншиврул оьрч1ан жула региондалий (Дагьусттаннай) аьркин хьанахьисса яла чансса арцу. Ми арцу ласлай дур Дагьусттаннай 717 нину. Гьарца зуруй 8-мур кьини -зузисса нитти-буттан 1,5 шин хьуннинсса цала оьрч1ах буруглан пособие бичайсса кьинири. Ч1явумур ч1умал ва пособие ласай ниттил. Амма, ипла хьанахьисса закон-найн бувну, муни к1анай пособие ласун бюхьайссар оьрч1ал буттапа ягу найми маччагьанминнаца. Ва пособиелул лагру дур му ласласиманал дянивсса харжирал 40%. Декретный арцу ласайсса ч1умал кунна, х1исав-ккал дан ишла байссар к1ира шинал мутталай ласлай ивк1сса

харжирал дянивсса лагру. Му х1исав-ккал дан ласайссар оьрч1ах буруглан отпуск лавьсса шинал хьхьич1исса к1ира шин. К1иц1ларгсса арцурду почталул отделениерттайхч1ин дуллалисса дагьусттаннал инсантурац1ан ми дуч1айссар Аьрасатнал Почталул ц1акь бувсса графикрай. Пособиелул арцу дулайссар хьиривмур зуруй хьхьич1мур зурул арцу. Яни, август зурул арцу -сентябрь зуруй. Арцу дичлан бик1айссар цала кьини-лул мутталай, мунияту, агар ми ларсун к1юрххил кьабуч1арча, гихуннай дуч1аннин ссавур дан аьркинссар Ми арцу дулайсса кьини духьурча бигьалагай кьини (выходной) ми дулайссар мунил хьхьич1исса яла гьанмур зузи кьинилий. Арцу банкирайсса сч1трайн дичаврил х1акьираву т1урча инсантал гьан аьркинссар ц1уххин цала арцу дирхьусса банкирайн.



# Литературалул лажин

М.Алилов

## СВО-луву жан дуллуса Хажимурадлул арнал Абаслул аьпалун.

Ва сеут дайдихьлул дюхлулсса гьантрай  
Хьассеуха бьавкьусса х1укьу бувкунни.  
Ятинтурал мукьал чьавхьа бивчунни  
Чирисса шьравун, ва жул Суммат1лив.

«Ххув заннал» циванни ц1ими бакъасса,  
Иман дихьну буна мухлукуьат цайнма,  
Ягу ниттихьайрив тти тахсир хьусса  
Арсру аьрай ливт1ун агьи т1ий ливч1сса,

Бутта Хажимурад изан ан хьурдай  
Сук1урай шьик1ан ххирасса арнал,  
Ятинну цалагу оьрму гьан бувсса,  
Аьт1ий хьай ях1 буллай шарнил оьрч1авух.

Х1урунайнтуравух ях1 бува Абас,  
Аьрцараву буслай миннахь хаварду,  
Ях1 банссар ниттилгу вич1ан дуч1аннини  
Вил бивк1уллул кьову ккюх1лай кьюрт1ат1ий.

Ласунссар хьхем бургьил цуксса ганзнугу  
Лиянссар аьрщигу, даянссар дак1гу,  
Кьянка да Полинай, кьучагьнал бавай,  
«Ххув заннал» чичрулун чаран бакъассар

Оьрму бутант1иссар махьсса наслуллул,  
Пасатсса итталун ятинтал бувсса,  
Оьрмурду гьант1иссар арнал шахьаннил.  
Ялуннай хьайнугу вирдай хьяхьа т1ий.

Агарда рувх1ирдан хавар шайхьурча,  
Инсаннал бак1рач1ан аьрщарай бувк1мур,  
Ахьния хьяхьанссар Ахиратлул рувх1  
Арснал-арнал бивк1у бух1ан кьавхьуну.

Рувх1 хьинний дишиннав, кьучагьхсса Абас,  
Алжаннаву гьаннав абадлий оьрму.  
Паммалул шануну хьуна дакьиннав  
Вил утта хьач1унттал лув лух1и аьрци

## Муаьлимнахь

Х1антлий ряхра кьини,  
Гюнгут1уя-гюнгут1уйн  
Даврий зах1мат бувусса  
Шьраваллил муаьлим.

Шьраваллил халкьуннан  
Вил х1урмат лавайссари,  
Ряхра шинаву оьрч1ан  
Баккин чичин лахьлай т1ий.

Оьрмулул ххуллий мудан  
Дуч1и льякьай санятран,  
Дуккавилл шач1антгуйнсса  
Гьану инар бизайсса.

Хьхьувай шану кьалавхьун  
Х1асул бувсса пикриллул,  
Дяхтта оьрч1ал няравун  
Акьлу ина бакьара.

Нитти-буттал мукьах  
Оьрч1ал х1урмат виха бай  
Ниттил мазрай «ивзрав чин»  
Анавурмур кьауккай.

Инархха лахьхьин байсса.  
Ниттил мазрай гьалгьа т1ун,  
Дух1ингу, ях1 намусгу  
Виятурхха лахьхьайсса.

Вин оьрму лахьи баннав,  
Цуллушнву дулуннав,  
К1араллий бак1 лагь дансса.  
Савав так шану хьуннав.

## Ниттил мазрал кьадар

Циванши ниттил маз кьухьпа буллайсса,  
Душмантурал мазру лахьлай бупува.  
Усеурвалпу дирк1сса республикардай  
Оьрус маз бупува лахьхьин кьабуч1ип

Лакку мазрай-»пицу» гуржинял «папа»  
яруссапал - «баба» кьумукьпал- «апам»  
Бакьаривла мудап сийлийсса махьру  
Тач1ав «ччат1ул мазрах» булун кьалайкьсса.


Ц1уну хьанахьиний кулпат шьраву  
Барчагу бувайссар, так ниттил мазрай,  
Сук1урай арампал шьабивк1ун буний,  
Ссаламгу булайссар, так ниттил мазрай.

К1анттуву ч1ивит1ул, «оьнга» чайссия  
Ниттил ккуккулувату нак1 т1алав дуллай,  
Утти имий аьт1ий бур букьавч1ай мазрай»  
Ниттихьал ккуккулул нак1 кьадириллай

«Мама»-»папа»-т1исса, букьвч1ай мазрах  
Мах1атталпу лич1ай гьапу-ттаттахьул,  
Кьаххуйрив увкуну, бавай ва буттай  
Тяхьа дуккап дувап мишпалгу дак1ру.

Ватап дуруччултрал аьрая чагьар  
Шаппай т1айла буккай, так ниттил мазрай,  
Циваншу, лавгушни ххуйсса х1укумат  
Ниттил мазрал кьадру бюхттулпу бивк1сса.

Школалул оьрч1ахь ниттил мазрал дарс  
Циванши чап дурсса ци сававрайри?  
Чуври депутаттал халкьулпал бувч1мий,  
Ниттил мазран икьанун кьамул дуваймий.

		«Пропуск» на урок физкультуры	Немецкий каталог товаров	Освежитель бритых щёк	Царская водка	Братоубийца из Библии	Прокуратор Иудеи казнил Христа
		Самое сухое шампанское	Географическая зона				Веселое «хулиганство»
				Голливудский актер-комик Бен	Белая прослойка на мясе		
И Грановитая и Книжная	«Третий глаз» Шерлока Холмса	Крупнейший зубатый кит	Прямая координата		Марка отечественного автобуса		
			Английский театр кукол	Крупнейший город Канады			
Выигрыш за один удар		Товарная упаковка	Крепкий приятель тоника		Засилье агрессоров	Первая шимпанзе которую обучили амслену	Персонаж научно-фантастических т.с. «Звездный путь»
Скандальные выходки				Лаосская валюта	Немецкий математик (18-19 в.)		
			Горная покатость			«Партийная» продажа	
«Комплимент» герою	Инструмент вообще				Автор сказки «Конек-Горбунок»		
Буква приравненная к мизеру			Горчиный газ отравляющее вещество			Глаз из пословиц	



ЧАННАЦУКУ

**Учредитель:**  
МКУ «Администрация Кулинского муниципального района» РД  
**Учредитель:**  
МКУ «Ккуллал муниципальный районналул Администрация»

**Главный редактор**  
А.И.Канчиев  
**Ответственный секретарь**  
Л.Г. Курбанова  
**Корреспондент**  
А.Абдуллаев  
**Опер. комп. набора**  
А.М.Ахмедова  
**верстальщица**  
С.Т.Канчиева  
**Адрес редакции, издателя:**  
368390, Республика Дагестан, Кулинский район, с.Вачи

Газета набрана и сверстана на компьютерной базе редакции газеты «Звезда» и отпечатана в ГАУРД «Издательский дом» «Дагестан»  
Адрес:  
г. Махачкала, пр. Насрутдинова, 61.

Срок подписания в печать 17.00  
Подписано в 16.00

Газета выходит в неделю 1 раз.  
Тираж 400 экз.  
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 26 марта 2019 г.

Регистрационный ПИ № ТУ 05 - 00404

Позиция редакция может не совпадать с точкой зрения авторов, которые несут ответственность за достоверность о объективность представленных для публикации материалов

gazetazvezda@mail.ru

# ОьрчIаран цIу дагъаврия кIулну бикIан аьркинмур

**Мюрщисса оьрчIаран цIу дагъаврия бурувччун бикIан кIулшиву ца яла агъанмур масъала хъанай бур. Муних ургил баву дан аьркинссар школардай, оьрчIру тарбия булалисса оьрчIал багьирдаву ва нитти-буттал шаппа.**

ЦIу дагъан дурасса шпурттуву личIлулшиву дуруччаву ва цIу дагъни занакъулу хъун кIулну бикIаву, оьрму ххассал буван агъамсса иш бур. Жула хIукуматрай, гьарцагу 15 минутрай ца цIу дагъаву хъанай дур цIарал духлаган дуллай дур инсаннал оьрму-лухун захIматрай льякъусса хъус.ва инсан оьрмулдуца уллай ур.

Агарда хъуниминнан кIулнугу цIу дагъни цукун къуцу тIун аьркинссарив, мюрщисса оьрчIру мукунсса нигъачIаву дагъсса чIумал гъанавиххи хъуну, лабикIайр чIявуну кроватирдал лув, шкафраву, пуркIураву бугъ хъанай бур. Миннан бувчIин бувну къабикIай шийн оьвчин аьркинссарив кумаг буван.

Агарда зува ялапар хъанакъисса ужагърай-къапIува цIу дагъаву хъурча, яла агъанмурну хъанакъиссар гъанавиххи хъуну цах ханнарал къабугъаву.

Цахханнарал хъуний литIлай бур чIявусса инсантал. ОьрчIру ва бугъарами, байбихъай лагма буклай банбит бакъаминнан хъама битай оьвчин цIу лещан дувултрайн ва цIу дагъсса къатлува буккан хIарачат къабай.

1. Мугъла бакъа баян бувара оьрмулдул хъуниминнайн, ми чIарав бухъурча.

2. Буругаву дувара зуярва оьрмулдул мюрщисса оьрчIах, хъирив бизияра ми чувкIуй лакъабикIан.

3.Оьвчара мугълат бакъа цIу лещан дай къуллугърайн. ЦIулещан дай къуллугърайн оьвчин бюхъантIиссар мобильный телефонналия 101,112,55-17-88,55-17-21.

4.ХIарачат бувара баян буван диспетчернан цIу дагъсса кланттул адрес, этаж ци ччуччлай дуссарив, цими къатта, халкъ буссарив гиву.

5. Агарда ччуччлай духъурча хъун дакъасса ци дунугу ( токрал прибор дакъа), хIарачат бара ганил ялун одеяла рутан, хъинну агъамсар цIу дагъсса къатлувун гъава буххан къабитан.

Токрал приборду дуккиара токрая, ток къабишуншиврул, цIу лавчIусса телевизорданул хъхъичIа букъияра, му пIякъ чин бюхъайссар.

Гужну цIу ларчIун дуний, чIун гъан мадулларди му лещан дуллай Агарда шала къатницIух цIу ларчIун духъурча, мугълат бакъа мива

букъияра.

Агарда зува бусса къатта пуркIурал буцIлай бухъурча, къацI ва май бащияра иттисса полотенцалух, мурахас хъияра къатIуппай полланий къус бивкIун.

Агарда цуппалусса къатлуву цIу ларчIун духъурча, мивунсса нуз лакъияра, ва нузал лагмара дишара иттисса полотенеце, одеяло, яла-ялугъияра цIу лещан дувулт бучIаннин, зула оьрмулун нигъачIаву къадикIан букъияра къатIуппай

**Цукун буккан аьркинссар цIу дагъсса ужагърава.**

Агарда цIу лачIаву ягин хъанай духъурча ва лещан дан бюхълай бакъахъурча, букъияра къатIуппай кучалийн, ва ялугълагъияра тийх цIу лещан дувулт бучIаннин.

1. Агарда коридорданува чIирттайсса обоирдацIух цIу ларчIун духъурча. Зулла янна атил дувара ялун рутира зуйнна иттисса полотенеце кучI дара лажин ва чIара, куртIну ссихI ласияра, муння махъ букъияра цIу ларчIусса коридорданувух пуркIурал бувцIусса.

2. Агарда кучалийн буккан бюхълай бакъахъурча, нузацIухцIу ларчIун дуну, балконналий лоджиялий ссаур дувара цIакъну къатлувунсса нузгу ларкъун.

3. ХIарачат мабулларду, балконналия, щявн бучIан, простынялийх, хIинчурацIух, му чIумал 2-3 этажрая гуман багъарча, зун хъунмасса цIунцIия хъун бюхъайссар.

4. Ишла мадувари лифт; му ччимур чIумал къазун бюхъайссар зугу къатIул бугъантIиссару.

**Ци буван аьркинссар зуйрасса янналуцIух цIу лачIурча.**

Агарда зуйрасса майка луцIух, хIажакрацIух, ягу цайми янналуцIух цIу лачIурча къабучIиссар миннуву лечлан къатлуву цIарал пайрду дагъан бюхъайссар мебелланийн, шторардайн, мунийну цIу оьнура ягин хъун бюхъайссар, бюхъавай ликкиара зуйрасса цIу ларчIусса янна, агарда ликкан бюхълай бакъахъурча, зуйнна ялун рутияра одеяло ягу хъунмасса пальто, иттигу дурну кличIраву бяра ягу марххала ишла бара.

Агарда зуйрасса синте-



тикалул янна, чурххацIун лачIурча, му дизан мадулларди, зула чурххан зарал хIунтIиссар ва бурчуйлувун инфекция дагъан бюхъайссар, аглан хъияра медициналул зузалт, ва ххассал бувулт бияннин миннан кIулссар му чIумал ци банссарив.

Агарда зун чIалай бухъурча зула чурх ччувччуну ягу цайминналсса хIарачат бувара атилсса бинт бишин микку, ягу салфетки, марцIсса ацци, ми дакъахъурча ччувччусса чурххайн рутIара щин цукунчIав ишла мадару кремру, мазьру, масларду, миннул оьнува зарал бантIиссар.

**Пожар шаврил сававртту.**

ЦIу лачIаву хъун бюхъайссар личIи-личIисса сававрдайну:

Ххуттаву дурккусса клачIасса токрал ххаллайну, петардалийхчин, цIупар риршуну, къувтIуясса пай дагъну, токраясса дурчIун хъама риртусса мангъалланихчIин, аэрозоннанул болон-налихчIин, цIарачIан гъанну къариртусса, ягу гъелишиву дулайсса приборданучIа диртусса, цIу ларчIусса эки руртусса кипитрайхчIин

Микку ахир ца дур, цIу лачIаву-щийкIуй рахIму къабайсса. Хъирив лаявурттал буслай бур, 90%раяр чан бакъа цIу дагъавухъанай дур инсаннай аьй хъуну мунан хъамабитаврихчин, ягу жаваблувшиву дакъашаврихчин.ЦIу лещан дувултрах зува цIу лещан дуллак къабаншиврул, аьркинссар яларай клицI лавгсса чаранну дуручлан:

Ялавайми классирттал дуклакки оьрчIан, дянивми ва лавайми классирттал дуклакки оьрчIан цIу дагъаврия буруччинсса чаранну.

Байбихъулул классирттал дуклакки оьрчIан чара бакъа аьркинссар цан хасъсса суратругу ишла дурну ихтилатрайчIин баян

укунсса аьркинмур:

1.Шийн оьвчин аьркинссарив, нажатъ цIу дагъар ча. Цалчин классравусса дуклакки оьрчIангуман кIулну бикIан аьркинссар номер 01 ягу 112.

2. КилпитIру-ми игрушкарду дакъар, ми клири личин дуллак къабучIиссар хъун бай шорунналийхчIин бургъилу, ягу цIурду щипан.

3. Гъанну цIарачIа тIуркIу тIун къабучIисар

4. цIу дусса печлий мадишари уссуру, сапогив хаснува духовкалуву. ЦIарал ялун къакъан мадулларди зулла атил хъусса янна шардаягу походрай буни.

5.Хъуними чIарав бакъани цIурду мащиларду.

6. нажатъ цIугъурххи шаву хъурча гава цIана оьвчара нитти- буттайн хъуниминнайн, чIа ххуврайн.

Дянивми ва лавайми классирттал дуклакки оьрчIру цин хасъсса дарсирай МЧС-рал зузалтрал каялувшиннаралу, лахълан аьркинссар цIу лещан дувайсса прибор ( огнетушитель) ишла дуллак. Миннахъ чара бакъа бусан аьркинссар цуми айтаницIух бигъану цIу лачIайссарив, ва му цIу цукун лещан дан аьркинссарив. КIулну бикIан аьркинссар хъиннува токрал приборду цукун лахъан аьркинссарив ххуттава дурккусса розеткарду ишла дуллак къабучIишиву, ягу зунна къакIулсса зару гъели дуллак къабучIишиву.

Лавайми классирттал дуклакки оьрчIан чара бакъа кIулну бикIан аьркинссар цIу къадагъанну къуцу бан.

**М.МахIмудиев,**  
П Ч - 3 2 - л у л  
хъунаманал заместитель